

# **DECLARACIÓN UNIVERSAL SOBRE LOS DERECHOS DE LOS PUEBLOS INDÍGENAS**



COMISIÓN NACIONAL  
PARA EL DESARROLLO  
DE LOS PUEBLOS INDÍGENAS

Primera edición, 2008


D.R. © 2008 Comisión Nacional para el Desarrollo de los Pueblos Indígenas

Av. México Coyoacán 343, colonia Xoco, Deleg. Benito Juárez, C.P. 03330, México, D.F.  
[www.cdi.gob.mx](http://www.cdi.gob.mx).

ISBN 978-970-753-186-4 / *Declaración de las Naciones Unidas sobre los derechos  
de los pueblos indígenas*, versión en mexicano de la huasteca hidalguense


Queda prohibida la reproducción parcial o total del contenido de la presente obra, sin contar previamente con la autorización del titular, en términos de la Ley Federal del Derecho de Autor, y en su caso de los tratados internacionales aplicables. La persona que infrinja esta disposición se hará acreedora a las sanciones legales correspondientes.

Impreso y hecho en México



**DECLARACIÓN UNIVERSAL SOBRE  
LOS DERECHOS DE LOS PUEBLOS INDÍGENAS**





## N

### *Ne Asamblea General ten Naciones*

*Unidas kijjtok ipan 1994 xiuit, ke ipan 9 tonalli de agosto elis, "Día Internacional de los Pueblos Indígenas ipan nochí taltipakti". Monejki panos miyak tamanti para mosenkauasej ika ni tamanti nopa tekichiuanij, pero ten nelnelia kinyolkokoj nopa koyomej yaya nopa ten san maseualtsitsin ininderechos para ma kinmanauikaj nopa tekichiuanij, ika ni, kitemoaj nopa koyomej ma amo uejka itstokaj san maseualtsitsin, ma amo tajyouikaj, ma amo san kinkuilikaj talli kati kinkuilijtetokej inin uikalua j uan sekijnok tamanti kati kualtias kinixpanos. Tikitaj naja pano ni tamanti, ejeliuis san maseualtsitsin naja kinixpano j uan kinejeliuisuiaj. Kemantika naja tikkakij kenijkatsa tajyouiaj san maseualtsitsin.*

Ni ten kiitojkej ipan ni junta smante ipati pampa ika ni takatki ne *Declaración sobre los Derechos de los Pueblos Indígenas*. Ika ni kimaka tanauatilli uan tetilisti nopa estados para ma kipeualtikaj mouikasej kualli. Miyak xiuit panok para kikualchichijkej ni tamanti uan kitemoa ni Deklarasion ma amo kionpauikaj ten san maseualtsitsin kimpanok ne achiya, uan kinekij ma motepanitakaj estado uan san maseualtsitsin. Ika ni tamanti kinekij ma kitekuikaj ni Deckaración ipan nochí taltipakti.

Tiknekij ipan ni 2008, ni san maseualtsitsin ma kitananakaj ininkamanal, ma uejchiuakaj, pampa ipan ni xiut kitokaxtitokej “*Año Internacional de los Idiomas*”, uan ma amo poliui ten uejchiuaj san maseualtsitsin (nahuatl, maya, otomí, chinanteco uan sekijnok tamanti). Taj poliuis nochí ni tamanti, tikpolosej miyak tamanti, pampa ni smante ipati ni ten tikpiyaj tisanmaseualtsitsin.

Ta, kati tikpoua ni amat, nikneki xitekitei chikauak uan xitepaleui para amo ma poliui nochí ni tamanti ten san maseualtsitsin kichiua, uejchiuaj uan ten kipyaj, uan ma tikmanauikaj ten nenelia toaxka pampa kiani no kiixmatisej tokoneuan, toixuiuan ten tikmatij.

BAN KI-MOON  
Secretario General de *Naciones Unidas*  
Mechnojnotsa pampa aman *Día Internacional de los Pueblos Indígenas* ipan nochí taltipakti, 2008.

## Ten iyojyok

Ipan 1970 pejki kikualchichiuj ni amat kat itoka Deklarasion de las *Naciones Unidas*, keman nopa *subcomisión para la Prevención de Discriminaciones y Protección de las Minorías*, ten *Consejo Económico y Social*, ten kipaleuij ne *Organización de las Naciones Unidas (ONU)*, kat tanauatij ma kichiuakaj ni amat.

Kati achtoui tekit mochichijkej kitokaxtijkej Informe Martinez Cobo, achtoui kinextilijkej uan kimatilijkej nopa *Subcomisión* ipan 1981 xiuit uan 1984 xiuit. Nopona mosentalikej para tekitisej nopa “*Grupo de Trabajo sobre Poblaciones Indígenas*”, kat nelia ixachixtokej, yaya ni elki kat kipaleuij entes 1982 xiuit. Ipan 1985 xiuit ni grupo pejkej kitsinpeualtiyaj ne Deklaración, kat kiselij nopa *Subcomisión* de 1994 xiuit, ipan ne komision de Derechos Humanos ten ipan ne *ONU* tatilanti.

Teipan, nopa komision kinauati nopa grupo ma tekitikaj ika yolik uan ma ijisa ma monechikokaj para kichichiuasej nopa Deklaración, pampa kiani kiamatalijkej ipan amat 49/214 kat kifirmarojkej ipan 23 de diciembre metsti. Nikan pejki kiamatalaj noch pampa nopa *Subcomisión* iuaya *Naciones Unidas* mokamanaluikej kenijkatsa kikualchijchiuasej uan kichiuasej ni amat, nikani pejki kiamatalaj nopa ten miyak ipati ten kitokaxtijkej “*Cónclave Indígena*”.

Ipan 2006 nopa grupo kitamiltikej kichijchiuaj nopa Deklarasion, ya monechikotoyaj 11 ueltaj, uan ipan ni xiuit kimajtilijkej ni tekit nopa Konsejo de

Derechos Humanos, keman kitsinpeualtijkej monechikoaj ni konsejo, ininjuantin kiselijkej ni amat uan kifirmarojkej ika nopa númeroj 2006/2 de ne 29 de junio metsti, uan nimantsin kititankej ipan ne *Asamblea General de Naciones Unidas* para ma kitachilikaj uan taj ya kualli ma kiselikaj.

Ni *Asamblea General de Naciones Unidas* uejkajki 20 xiuit para kiselis ni amat katи kimatilijtoyaj, hasta ipan 13 de septiembre de 2007 xiuit kiselij uan kitokaxij *Declaración de las Naciones Unidas sobre los Derechos de los Pueblos Indígenas*.


Mexko nochipa kipaleuij ni Deklarasion entes keman pejki kikualchijchiuaj.

Ni Deklarasion katи tsinpejki ika miyak maseualmej katи ejeliuis euanij (*países*) kej ankiita ni ONU, kinekij ma kipiya tetilisti uan tatepanitalisti, kitemoa miyak tamanti ten kualli para san maseualtsitsin uan maseualmej katи kichichijkej kitsontekontalijkej ma motepanita ipan nochitaltipakti.

Nelia, ni amat katи itokaj Deklarasion amo más kipiya tetilisti, pero nopa estados katи motemakakej para kichichiuasej kimatiж ke moneki kitepanitasej una kichiuasej ika miyak ininyolo ten tanauatiu ni amat.

Ipan ni amat kiamatalijkej nochti kenijkatsa nopa tekichiuanij kinmanauisej nopa derechos humanos de san maeualtsitsin, kenamej nikauan Mexko talli uan ipan nochitaltipakti.

Ni amat katи kichichijkej maseualmej nelia ouik para mochius, yeka kinekij ma motepanita ipan nochitaltipakti para kualtiyas tekitisej para kinmanauisej san maseualtsitsin.



Ipan *Comisión Nacional para el Desarrollo de los Pueblos Indígenas*, kati eltok ipan Mexko, kinekij tekitisej kuallí ika ni amat katí itokaj *Declaración de las Naciones sobre Derechos de los Pueblos Indígenas*, uan kinekij kinextilisej san maseualtsinsin taya kiitosneki ni Deklarasion. Yeka kinextiaj ejelius ni amat, pampa Mexko motemak keman kiselij uan kifirmaroj ni amat ipan 13 de septiembre metsti de 2007 xiuit.

Keman Mexko kiselij uan kikixti ni Deklarasion, sempa motemajtili para tekitis para nochí san maseualtsinsin.

LUIS H. ÁLVAREZ ÁLVAREZ  
Ueyi tanauatíket de ne *Comisión Nacional para el Desarrollo de los Pueblos Indígenas* (Director)



*Sexagésimo primer periodo de sesiones*

*Tema 68 del programa*

*Resolución aprobada por la Asamblea General.*

*Declaración de las Naciones Unidas sobre los Derechos de los Pueblos Indígenas*

*Ten kijitok Asamblea General,*

Achtoui kitachilijkej ne amat kati kiselij ne Konsejo de Derechos Humanos ten itoka *Declaración de las Naciones Unidas sobre los derechos de los pueblos indígenas*, kati kitalilijkej se numeroj 1/2 ten kifirmarojkej ipan 29 de junio metsti de 2006 xiuit.

Nojka kielamijkej ne amat kati kitsinpeaultij ne Deklarasion uan kipixtok se numeroj 61/178 kati kifirmarojkej ipan 20 de diciembre metsti de 2006 xiuit, kinejkej tekitisej mas tonalli pampa naja motajtaniliyayaj kenijkatsa kichiuasej ne amat, nojka kinejkej achtoui kirevisarosej ni amat antes de ke kitamiltisej monechikoj.

107 tanechikolisti

23 de septiembre metsti de 2007 xiuit

## **Anexo**

### **Declaración de las Naciones Unidas sobre los Derechos de los Pueblos Indígenas**

*Ne Asamblea General*

Nopa tekit kati pejkej kichichiua, mopaleuijkej ika nopa *Carta de las Naciones Unidas*, ten kiitouayaya nochi ten motemakakej kichiasej nopa estados.

Kiitojkej ke ni kanke itstokej san maseualtsitsin (komunidades) elisej san semej kenarej sekijnok, uan nochi maseualmej kualiyas itstosej, mouikasej kej ininjuantin kinekisej, uan ma kintepanitakaj kej maseualmej.

Kej kijitoaj, ke ni kanke itsokej san maseualtsitsin (komunidades) kipaleuia nochi ni ten Mexko talli eli, pampa nochi ten Mexko kipiya eli ininaxka.

Nojkia kijitoaj ke nochi ni tamanti ten kichiua ni san maseualtsitsin, onkaj sekijnok komunidades kati eli más ixtachixtok ke ne sekij, ipan política, tiopan, kenijkatsa monauatiaj, ini amo nelia, san kijitoaj, san istakatilisti, pampa nochi komunidades eli san se.

Amo akajyok kinixpanos san maseualtsitsin, ya ika ompa kiitojtok ni amat.

Kintekipachoj ke nopa san maseualtsitsin kinixpanokej ne achiya, entes keman ualajkej maseualmej de sejkoyok euanij (*españoles*) keman kinteuijkej, kinejeliuisuijkej uan kinkuilijkej talli, kinchijkej san maseualtsitsin ma san mokauakaj.

Yeka chikauak tekitikej tekichiuanij para ke nopa san maseualtsitsin kipyasej kanke miyanasej uan kanke kinmanauisej, uan kinmanauilisej inintal,

kenijkatsa monauatiyaj ipan ininkomunidades, uan nochi ten kipiyaj kanke mochantijtokej.

Ika ompa kijitoa ni amat, kenijkatsa smante ipati kitepanitasej nochi ten kichiua j uan ten kipiyaj san maseualtsitsin, pampa nojkia kijitoa ipan sekijnoj amat kenamej ne *tratados, acuerdos* uan sekijnoj amat ten kisenkajtokej tekichiuanij ininuaya ne estados.

Nojkia tiueyichiua j ni komunidades kanke san maseualtsitsin itstokey pampa ininseli monauatiyaj uan mopaleuiaj keman tekitij, ininjuantin nojkia kipaleuiaj Mexko para kipankixtiaj nochi ten kichiua, uan aman ya, amo san mokauaj uan amo san keueli mokauaj ma kinixpanokaj, pampa kipiyaj miyak tajlamikilsti.

Nopa tekichiuanij tekitij chikauak ika ni amat, kitemoaj amo ma poliu ten san maseualtsistin kipiyaj uan ika ni amat, kipiyas tetilisti inintekij uan intintanauatil.

Kimatij taj nochi ne maseualmej (koyomej) kitepanitasej nochi ten kipiyaj uan kichiua j san maseualtsitsin kej ankiitaj kenijkatsa itsokej, kenijkatsa kichiua j se iluit, kenijkatsa monauatiyaj, kenijkatsa se tamanti para ininjuantin tauel ipati uan kiueyichiua j, nochi inin elis más ipati taj motepanitas uan nochi inon mokauas para nochi tonalli.

Nojkia kinekij ma poloui nopa ten kichijtiualauij sekijnon maseualmej kati mokuiliyaj uejueyi talli, kinekij ma nopan san maseualtsitsin ma itstokaj kualli uan ma mouikakaj kualli ika sekijnon altepemej ten nochi kati eltok ipan ni taltipakti.

Kintekipachoa uan kinejij ke nopa san maseualtsitsin ma kipyakaj noch ten ni amat kineki (derechos) uan ma kinpaleuikaj ininkoneuaj ma momachtikaj, ma kinijnelikaj, para kualli itstosej, kenamej ni amat kineki (*derechos del niño*).

Inin amat kati kitemoa miyak tamanti, eli se ueyi amat kati miyak ipati pampa nelixtachixtok, yeka kifirmarojkej miyak Estados, uan eli se amat kati kitepanitasej noch maseualmej kati itstokej ipan ni taltipakti (*internacional*).

Nochi nopa amat kati Estados kifirmarojkej *tratados, acuerdos* uan sekijnok, kinejij nopa Estados uan komunidades ma kualli mouikakaj uan ma mopaleuikaj keman kinekisej kichiasej se tamanti para san maseualtsitsin.

Kijjtouaj sekijnok amat kenamej ni *Carta de las Naciones Unidas*, ne *Pacto Internacional de Derechos Económicos, Sociales y Culturales*, ne *Pacto Internacional de Derechos Civiles y Políticos*, uan nojkia ne Deklarasion uan *Programa de Viena*, kijjtoaj kenijkatsa smante ipati kimanausisej noch ten ininaxka ne san maseualtsitsin (derechos), para kualtiyas monauatisej ininseli ipan ininkomunidades, ma kipyakaj inintekichiuanij.

Ni Deklarasion kinmaka tetilisti noch nopa san maseualtsitsin para amo akaj amo kinkauas ma monauatikaj, ininjuantin kimatij kenijkatsa monechikosej para kikualchijchiasej se kualanti ipan ininkomunidad, inin amat kinmanauuya para kichiasej ipan noch taltipakti (*internacional*).

Nojkia ika ni amat kinejij ma kintepanitakaj san maseualtsitsin, ma kinchiuilikaj justisiaj, ma kinselikaj ipan tekikalko uan nopa tekichiuanij ma kinkualchijchiuilikaj kualanti, kiani achi kualli mouikasej san maseualtsitsin iuaya

nopa Estado (tekichiuanij), uan amo san kej ueli kinixpanosej o tamanti kinilisej pampa san maseualtsitsin.

Ni ten kichijkej tekichiuanij (Deklarasion) kinnonotsaj sekijnok tekichiuanij ma tekitikaj para kinpaleuisej san maseualtsitsin uan ma kintajtanilikaj kenijkatsa kinekij ma tekitikaj para keman kisas se amat o se tapaleuilisti.

Ne Naciones Unidas yaya ikuentaj para tekitisej uan ma kitachilikaj kenijkatsa tekititiayuj tekichiuanij ika ni amat, ni Naciones Unidas ikuentaj kiniluis san maseualtsitsin ke onkaj amat kati kinmanauia.

Ni Deklarasion eli se ueyi tapaleuilisti para san maseualtsitsin, ika ni amat kitsinpeualtiyaj para kinmanauisej ten ininaxaka san maseualtsitsin (derechos) uan nojkia nochi ne tekit ten kichiua ne *Sistema de Naciones Unidas*, nochi yas para kinpaleuisej san maseualtsitsin.

Ipan ni amat kena kuitaj ipati ke nopa san maseualtsitsin kipyaj (derechos) uan amo san kej ueli kinixpanosej nopa koymoj pampa kiampa kijjtoa nopa derecho *internacional*, uan ininjuantin itstokey majkatokey (libres) para monauatisej kej ininjuantin kinekisej.

Nojkia kixitaj ipan ni deklaracion ke nopa komunidades amo san se, uan moneki motepanitas kej sekijnok itstokey, kenijkatsa tekitij, kej kichiua se iluit uan miyak tamanti ten kichiua nopa san maseualtsitsin. Ni komunidades amo san nikan Mexko onkaj, onkaj ejeliuis ipan ni taltipakti.

Ipan ni amat, kitaliaj ni Deklarasion kati tekichiuanij kichichijkej uan kinekiij ma kitepanitakaj, para noch i kualli tiitstosej ni tamanti:

### **Artículo 1**

Nopa san maseualtsitsin kipiyaj derechos ten ni amat kati itokaj Deklarasion kinmaka para ma kitepanitakaj ininderechos Humanos uan kualtiyas kichiuasej ten ininjuantin kinekiij, san amo ma kinixpanokaj tekichiuanij, inin tamanti kiamataltokej ipan *Carta de las Naciones Unidas*, ipan *Declaración Universal de Derechos Humanos* uan ipan amat kati itokaj *normativa internacional* ten Derechos Humanos.

### **Artículo 2**

Nopa komunidades kanke itsokej san maseualtsitsin eli san se ika sekijnok komunidades, uan kualtiyas monauatisej kej ininjuantin kinekisej, amo akaj kinixpanos pampa san maseualtsitsin, pampa ininjuantin seyok tamanti itsokej amo san se kej ne koyomej, yeka ni Deklarasion kinmanauia.

### **Artículo 3**

Nopa san maseualtsitsin kipiyaj derecho para kipejpenasej tekichiuanij para kinnauatis ipan ininkomunidad, uan kualtiyas tekitisej kanke ininjuantin kinekisej, uan tomintanisej kej ininjuantin kinekisej, uan nojkia kej ininkuantin kinekisej itsosej.

## **Artículo 4**

Nopa san maseualtsitsin ininjuantin kimatij taj kinekij kintalisej tekichiuanij ipan ininkomunidad para kikualchichiasej kualanti kati san nopona mochiua, uan ininjuantin kimatij kenijkatsa moinamasej para moorganisarosej.

## **Artículo 5**


Nopa san maseualtsitsin nojkia kualtiyas tapaleuisej ipan polítikaj ten kichiua j sekijnok tekichiuanij, uan kenijkatsa kikixtaj tomin nopa altepemej, o kenijkatsa moorganisaroaj, pero más kualli kisentokilisej ten ininjuantin kichiua j ipan ininkomunidades pampa inon mas kipiya ipati para kinkauilijteuasej ininkoneuan ten ininjuantin kichiayaya j.

## **Artículo 6**

Nochi san maseualtsitsin kipiyaj se talli kanke kijjtosej euanij o ualauij (*nacionalidad*).

## **Artículo 7**

1. Nochi nopa san maseualtsitsin kipiyaj derechoj ma kinmanauikaj tekichiuanij para kualli itstosej, ma taiskaltikaj, ma elikaj masealmej kati tatsontekonmatij, ma yasej kanke ininjuantin kinekisej, ma tekitikaj para kualli itstosej uan ma kualli kipiyakaj inintakayo.
2. Yon se tekichijket amo eltok kinmiktis pampa san maseualtsitsin, o kinitskisej konemej uan kinukasej sejkoyok, ininjuantin kipiyaj derecho para



momanauisej san sejko uan amo akaj kintetsopas para kichiuasej ten amo kinekij.

## **Artículo 8**

1. Amo akaj eltok kiniluis ma amo kikualnextikaj se iluit kati ininjuantin kinekij kichiuasej, nojka amo akaj eltok para kiniuluis kenijkatsa kichiuasej para kipolosej ten ininjuantin kichijtualuij entes ya uejkakki.
2. Nopa estados tekitisej uan kiitosej kenijkatsa kimanauisej uan kikualchichiasej se tamanti kenamej nikana tikamatalaj:
  - a) Keman maseualmej o tekichiuanij kinekisej kinkixtilisej ten ininjuantin kipiyaj o ininaxka, ten ininjuantin momajtokeja kichiuaj pampa san maseualtsitsin.
  - b) Keman akajya kinekis kinkuilis inintal, kanke mochantijtokej, ten ika tekitij o ten ika tomintanij.
  - c) Keman tekichiuanij o sekijnok maseualmej kinekisej kinixpanoluilisej ininderechos.
  - d) **Keman akajya kinekis ma kichiuakaj ten ininjuantin amo momajtokej kichiuaj.**
  - e) Keman akajya kikixtis amat (*propaganda*) kanke kiijtos ke nopa san maseualtsitsin amo tajki elij, o amo kipiyaj ininpatij.

## **Artículo 9**

Nochi san maseualtsitsin eltok itstosej ipan se komunidad kanke itstokej san maseualtsitsin, uan kichiasej nochti ten ininjuantin kimatij ten kualli, iluit, komontekit uan sekijnok tamanti, amo akaj eltok kinixpanos pampa ininjuantin kiani tekitij.

## **Artículo 10**

Nopa san maseaultsitsin amo akaj eltok kinjuersaus para ma yakaj sejkoyok ma mochantitij, kena kualtiyas taj ininjuantin kinekij, uan moneki kintaxtaus se tekichijket taj kineki ma yakaj, nojkia taj kualtiyas teipan sempa mokuepasej kanke itsroyaj.

## **Artículo 11**

1. Kipiyaj derechoj nopa san maseualtsitsin kiixnextisej nochti ten kimatij kichiuj, kenijkatsa motiochiuaj, mosiuajtiyaj, keman kichijchiuaj at, keman kiiluchiuliaj se santojsin, keman kichiuj se tajpalolli o yauuj kanajya onmotiochiuaj, nochti ni eli taeli ipati para kichiasej uan nochti konemej uan telpokamej ma tapaleuikaj para ni tamanti amo ma poliuis.
2. Keman amo ika inintempa san maseualtsitsin, kitsakej kanajya kanke yauuiyaj onmotiochiuaj o kanke panoyayaj, nopa tekichiuanij eltok para kichiwas ma sempa ma kitekiuikaj nopa talli. Pampa taj ino panos, uajka kijitosneki ke kinixpanoj san maseualtsitsin.

## **Artículo 12**

1. Nopa san maseualtsins eltok para ma tenextilikaj kenijkatsa itstokej uan kenijkatsa tekichiujaj ipan ininkomunidades, kenijkatsa iluichiujaj, kenijkatsa mosiuajtiaj, kenijkatsa kikuaultiaj se konetsin uan taya kichiujaj keman ya takuaaltijkej, kenijkatsa kichiujaj keman kinmajtekiyaj ininkopaleuan, kenijkatsa kichiujaj se tamanalisti, kenijkatsa motiochiujaj, taya kichiujaj keman se toikni miki uan ma kinkauakaj sekijnok maseualmej ma kitachilikaj nochi ni tamanti ten ininjuantin kichiujaj.
2. Taj nopa san maseualtsitsin kinkuilijkej se tamanti kanke kichiuyayaj se taijki, kanke motiochiuyayaj o kanke kichiuyayaj se tamanalisti, nopa tekichiuanij kiitasej kenijkatsa kichiuesej para ma kinkuepilikaj nopa ten kinkuilijkej.

## **Artículo 13**

1. Nopa san maseualtsitsin kipiyaj derechoj para ma kinmachtikaj ininkoneuaj kenijkatsa uejchiujaj, taj nahuatl, maya, zapoteco, otomí o sekijnok tamanti, nojkia kenijkatsa tajkuilouayayaj ne achiya, kipiyaj derechoj ma kitalilikaj se tatokayot ininkomunidades, ininkoneuaj uan ma nochipa mokaua nopa tatokayot.
2. Ininkuentaj tekichiuanij kichiuesej ma motepanita ni tamanti kati tikjkuilojkej uejkapan, uan nojkia nopa tekichiuanij kitemosej kenijkatsa nopa san maseualtsitsin kualtiyas momachilisej ininuaya koyomej keman kipiyasej se kualanti, keman motajtanisej se taiki ne tekikalko, taj amo kualtiyas mochiusas

ni tamanti, uajka kitemosej seyok maseuali kati uejchiuas por nopase (*intérprete*).

## **Artículo 14**

1. Nopa san maseualtsitsin eltok kinnauatisej nopa kati kinmachtiaj ininkoneuan, uan ma kinmachtikaj ininkoneuan ika nauat, maya, zapoteco, otomi o seyok tamanti uan amo ma kielkauakaj nochi ten kichiujan san maseualtsitsin.
2. Nochi san maseualtsitsin eltok momachtisej hasta kampa ininjuantin kinekisej ajsitij, amo akaj kinkixtilis ni derechoj ten tekichiuanij kinmakaj.
3. Nopa tekichiuanij kiitasej kenijkatsa kichiujasej para ke nopa san maseualtsitsin kualtiyas kinmachtisej ika nauat, maya, zapoteco, otomí o sekijnok tamanti, inin más para nopa konemej pilkentsitsin.

## **Artículo 15**

1. Ni Deklarasion kijjtoa ke nopa san maseualtsitsin kati itsrokej ipan komunidades, nopa tekichiuanij kiitasej kenijkatsa kichiujasej para ke nopa ten san masealtsitsin kichiujan, nojka ma kinmachtikaj konemej uan amo san ni konemej, ma kinnextilikaj sekijnok maseualmej.
2. Tekichiuanij kiitasej kenijkatsa kichiujasej para mokamanaluisej ininuaya nopa san maseualtsitsin para ma tami nochi taixpanolisti ten panoj nopa san maseualtsitsin keman yaujj altepeko, uan kichiujasej nopa tekichiuanij para ma tetepanitakaj nopa koyomej uan ma san te itakaj.

## **Artículo 16**

1. Nopa san maseualtsitsin eltok kitekiuisej teposmej kanke uejchiuaj ika nauat, maya, zapoteco, otomi o sekijnok tamanti, uan amo akaj eltok para amo kinkauas.
2. Nopa teposmej kanke uejchiuaj koyomej (de gobierno) eltok kamanalosej ten kipiya Mexko, ke ankiitaj ejeliuis seseyok tamanti uejchiuaj san maseualtsitsin kej ni nauat, maya, zapoteco, otomi o sekijnok tamanti, nojkiakichiuasej kanke uejchiuaj koyomej ipan ne teposmej kati kipiya iaxka, ma nojkiakia ma kijitokaj ten kipiya Mexko.

## **Artículo 17**

1. Nochi san maseualtsitsin eltok tekitisej kanke ininjuantin kinekisej, san moneki amo ma kichiakaj se tekit kati amo kuali o kati tekichiuanij amo kuali kiitaj, inin derechoj eltok para san maseualtsitsin uan kijtoa nopa *derecho internacional* (kampa ueli) uan ipan nochi ni Mexko (*nacional*).
2. Amo eltok nopa masealmej kinjuersajuisej nopa konemej ma tekitikaj o nopa tekit kati kichiakaj nopa konemej mauilili uan kualtiyas mokokos, o kinempolos itsontekon o pampa tekiti amo uelis momachtis, yeka nopa tekichiuanij kiitasej kenijkatsa kichiakaj para amo ma pano ni tamanti.
3. Nopa san maseualtsitsin amo eltok kineliuisuisej kanke tekitij, moneki ma kintaxtauikaj kualli.

## **Artículo 18**

Nopa san maseualtsitsin eltok uejchiuasej keman kimanausej ininderechoj, kualtiyas kitalisej se maseualli kati kimanauis iderechoj o nojkia kikualchijchiuasej ininkualanti kenamej kichiuj ipan ininkomunidad.

## **Artículo 19**


Ne tekichiuanij (Estados) kintajtanilisej san maseualtsitsin kenijkatsa kinekij ma tekichiakaj, antes de kikxtisej se amat (ley) para amo kinsosolos nopa san maseualtsitsin.

## **Artículo 20**

1. Amo akaj eltok kiniluis nopa san maseualtsitsin ma amo kichiakaj ten ya kichiualtialauiyaja ne achiya, ma mopanoltikaj kej ininjuantin kualtiyasej, uan ma tekitikaj kampa ininjuantin kinekisej para mopaleuissej mojmosta.
2. Maseualtsitsin kati kinkuilijkej se taijki ya sea tekichiuanij o koyomej, kipiyaj derechoj kinkuepilisej nopa ten kinkixtilijkej.

## **Artículo 21**

1. Nopa san maseualtsitsin kipiyaj derechoj tekitisej para ma kualli itstosej, nojkia para ininkoneuan momachtisej, tekitisej para kualli itstosej para amo mokokosej, para kipiyasej ininchu uan tekichiuanij ma kinmanauikaj.
2. Nopa tekichiuanij de Estados kiitasej kenijkatsa kichiuaej para ke nopa san maseualtsitsin itstosej kualli para amo tajki ma kintsontapana, kinpaleuissej



más nopa ueuentsitsin, nanatsitsin, konemej, telpokamej, siuamej, uan maseualmej kati mokokoaj.

### **Artículo 22**

1. Ni Deklarasion kijtoa ke nopa tekichiuanij kimokuitausej ma kintepanitakilikaj ininderechoj, kinpaleuisej más nopa ueuentsitsin, nanatsitsin, konemej, telpokamej, siuamej, uan maseualmej kati mokokoaj.
2. Tekichiuanij tekitisej chikauak para kinmanauisej konemej uan siuamej kati amo kuali kinpixtokej ininchan, pampa amo akaj eltok kinmakilis uan kinixpanos.

### **Artículo 23**

San masealtsitsin eltok mokalisej ipan nochí nopa tekit kati kichiuaj tekichiuanij (programas) kanke kiitaj kenijkatsa tepajtisej, momachtisej konemej, keman kinmakasej kalli, uan ininjuantin monechikosej para kiitasej kenijkatsa kichiuaej.

### **Artículo 24**

1. Nopa san masealtsitsin kipiyaj derechoj mopajtisej ika xiuipajti, pero nojkia ma kimpajtikaj ne altepeko kanke eltok sentro de salud.
2. Ma kimpajtikaj ika pajti ten nejnelia kualli, kenamej kichiuaj ika ne koymej, maske san kentsin mokokoa uan nojkia kati amo kualli inintsontekon.

### **Artículo 25**

San maseualtsitsin kipiyaj derechoj para ma kineltokakaj ten ininjuantin kinekisej katи inindios katи kitiochiuasej, kualiyas at, teteoyt, talli, o sekijnok tamanti uan ma kinmanauikaj para nojkia kitekiuisej ininkoneuan.

### **Artículo 26**


1. Ininaxka nopa talli san maseualtsitsin kanke mochantijtokej entes ne achiya.
2. Nopa san maseualtsitsin kipiyaj derechoj para ma kitekiuikaj nopa talli katи eli ininaxka, kenamej nopa komuntalli o katи mokouijtokej.
3. Tekichiuanij kiitasej kenijkatsa kichiasej para kimanausisej nochи ni talli katи ininaxka nopa san maseualtsitsin. Pero nochipa moneki kintepanalisej inital, uan ten ininjuantin kichiua j entes ne achiya.

### **Artículo 27**

Tekichiuanij uan san maseualtsitsin mokamanaluisej para kiitasej kenijkatsa kimanausisej nopa talli katи ininaxka uan kiitasej ipan koyomej. San maseualtsitsin no kipiyas ipati ininkamanal.

### **Artículo 28**

1. Taj nopa tekichiuanij kinempolosej talli kanke itstokej san maseualtsitsin uan amo motajtanilijkej tekichiuanij para kichiasej nopa tamanti, eltok nopa tekichiuanij taxtauasej o kikuepasej nopa talli kanke tanempolokjej, nopa taxtauali moneki elis parejoj para san maseualtsitsin.

- 
2. Taj nopa tekichiuanij mokajkej ininuaya san maseualtsitsin para ma kinenpolokaj talli kanke ininjuantin itstokej o tekitij, uajka nopa tekichiuanij eltok kinmakasej seyok talli kanke mochantisej o tekitisej, pero moneki kualli talli taj kinmakasej.

### **Artículo 29**

1. Nopa san maseualtsitsin kipiyaj derechoj kualli itstosej kanke mochantijtokej, tameuasej, tachpanasej para amo onkas kokolisti, uan nopa tekichiuanij kichijchiuesej programas para kinpaleuisej san maseualtsitsin para ma mochiua ni tamanti.
2. Tekichiuanij kinpaleuisej san maseualtsitsin para amo ma kimontonokaj kanke mochantijtokej se tajki kati mauilili, keman koymej amo kintajtanilijkej taj kualtiyas kitalisej nopa tamanti.
3. Taj nopa tamanti mauilili ten kitalijkej koymej kinnempolokaj nopa san maseualtsitsin, nopa tekichiuanij kiitasej kenijkatsa kimpajtisej uan kiitas kenijkatsa kichiuas para ayejmo ma kitalikaj nopa tamanti mauilili kati kualtiyas sempa kinnempolos.

### **Artículo 30**

1. Tekichiuanij amo kinkauasej ma kalakikaj tsontolomej kanke mochantijtokej san maseualtsitsin, tamelaua kena kualtiyas pero taj nopa san maseualtsitsin kinekij ma nonopa ma itstokaj.


- 
2. Taj nopa tekichiuanij kinekij ma kalakikaj tsontolomej kanke itstokej san maseualtsitsin moneki kintajtanisej permisoj nopa san maseualtsitsin.

### **Artículo 31**

1. Nopa san maseualtsitsin kipiyaj derechoj kimanauisej nochí ten kipiyaj ipan ininkomunidades, kenijkatsa itstokej, kenijkatsa tekitij mila, kenijkatsa maultiaj, kenijkatsa kichiua j se tamanti (komalli, chachapalli, kati kuaxiximaj, kati kichijchiua j chikiuit, pantsin, kati texuiupajtiaj, kati tetatemoliaj, kati kichiua j se tajpalollj, kati texiktekij uan sekijnok tamanti), kenijkatsa kimokuitauiaj kuatitamit, ueyat, kanke mochantijtokej. Nochí ten nikan tikikuiloaj moneki ma kichiua kaj, amo akaj eltok kiniluis amo ma kichiua kaj nochí ni tamanti.
2. Tekichiuanij uan san maseualtsitsin tekitisej para nochí ni tamanti ma momanaui uan ma kinnextilikaj ininkoneuan.

### **Artículo 32**

1. Nopa san maseualtsitsin ininjuantin kimatij para taya kitekiuisej nopa talli kati ininaxka, ininjuantin kimatij taya kichiuiyaj o kitokaj, uan nojkia ten onka kanke itstokej ininjuantin kimatij para taya kitekiuisej kenamej tet, sokit, sakat, xalli, kuauit, san moneki kikuisej kanke amo kipiya ininteko.
2. Tekichiuanij kintatanilisej nopa san maseualtsitsin kenijkatsa kinekij ma kichijchiua kaj se amat (ley) kanke amo ma kinempolokaj kanke ininjuantin

- 
- itstokey o mochantijtokej, uan nojkia amo ma kinempolokaj ten ininjuantin kitekiuaj, uelis kanke pano se ueyat, kanke milchiuaj o seyok tamanti.
3. Taj tanempolosej nopa tekichiuanij uajka moneki ma kintaxtauikaj nopa san maseualtsitsin uan nojkia ma kimanauij noch ten nopona eltok kanke kinekisej tanempolosej.

### **Artículo 33**

1. Nochi ten kichiua, ten kipyaj, ten kiajokuij san maseualtsitsin ipan ininkomunidades, kimanauiya ni Deklarasion para ma kichijtiualakaj nochipa pampa nojkia kinmanauia ni derechoj kati kiilua, internacional, kijitosneki ke kipyia ipati ipan noch ni taltipakti.
2. San maseualtsitsin kipyaj derechoj para kitananasej kalli kanke monechikosej, kanke kichiasej juntaj, kanke momachtisej uan kenijkatsa monauatisej kenamej ininjuantin kinekisej pampa nopa Derechos Humanos kinkaua ma kichiakaj ni tamanti.

### **Artículo 34**

Nopa san maseualtsitsin kipyaj derechoj kitemosej kenijkatsa kichiasej para kitananasej kalli kanke monechikosej, kanke kichiasej juntaj, kanke momachtisej uan kenijkatsa monauatisej kenamej ininjuantin kinekisej pampa nopa Derechos Humanos kinkaua ma kichiakaj ni tamanti.

## **Artículo 35**

Tekichiuanij san maseualtsitsin kati tanauatiaj ipan ininkomunidades ininjuantin ininkuentaj nochi ten kichiusej ipan ininkomunidad uan ten kichiuj ininmaseualua.

## **Artículo 36**

1. San maseualtsitsin kati itstokej uejka, kati panotokej sejkoyok (Estados Unidos, España, Guatemala) kipiyaj derechoj naja tatilantosej iuaya ininmaseualpoyouan uan nojka kipiyaj derechoj tapaleuisej para ke nopa san maseualtsitsin naja kichiusej nochi ten momajtokejya kichiuj ipan ininkomunidad.
2. Tekichiuanij kiitasej kenijkatsa kichiusej para ma mochiua ni tamanti.

## **Artículo 37**

1. Nopa tekichiuanij kinmakasej tanauatilli nopa Estados para ma kitepanitakaj uan ma kichiukaj ten eltok ipan nochi nopa *tratados, acuerdos* uan sekijnok amat kati kinpaleuia san maseualtsitsin.
2. Ten nikau eltok ipan ni Deklarasion amo kijitosneki ke nopa ten eltok ipan sekijnok amat amo kipiya ipati o kipata ni Deklarasion.

## **Artículo 38**

Tekichiuanij kintajtanjilisej san maseualtsitsin kenijkatsa kichiusej para ke nochi ten ni Deklarasion kijjtoua, ma motepanita uan nelia ma mochiua.

### **Artículo 39**

Nopa tekichiuanij eltok kimpaleuisej san maseualtsitsin ika tomin keman kinekisej kichiasej se tamanti, kiani mochiusa ten kineki ni Deklarasion.

### **Artículo 40**

San maseualtsitsin kipiyaj derechoj ma kinkualchijchiuilikaj kualanti ipan ne tekikalko keman kipiyasej kualanti, moneki nimanstin ma kikualchijchiakaj nopa kualanti. Keman nopa tekichiuanij kikualchijchiasej nopa kualanti moneki kiitasej miyak tamanti pampa ni san maseualtsitsin seyok tamanti itstokej kej koyomej, ininjunatin seyok tamanti ininnemilis, uan seyok tamanti tamajmachiliaj. Kipiyaj kitepanitasej ten kijjtoa miyak amat kati kipiya ipati ipan nochi taltipakti (*internacional*).

### **Artículo 41**

Ne tekichiuanij kati itstokej ipan *Sistema de Naciones Unidas*, nopa órganos uan *organismos* kati nelixtachixtokej uan sekijnok tekichiuanij, mokalakisej para ke nopa derechos de san maseualtsitsin ma mochua uan ma motepanitakaj. Nojkia kichiasej ma nopa san maseualtsitsin ma mopaleuikaj ininuaya nopa tekichiuanij para ma motepanita ininderechoj.

### **Artículo 42**

Nojkia nopa Naciones Unidas, tekichiuanij kati nopona itstokej, kenamej ne *Foro Permanente* kati mokalakia para kikalchijchiua kualanti de san maseualtsitsin,

nopa órganos kati ixtachixtoej, kenamej ne nivel local, uan ne estados, nochi ni tekichiuanij tekitisej para ma motepanita nochi ten moamataltok ipan ni Deklarasion, kitemosej ma motepanita uan ma mochiua ten kijtoa ni Deklarasion.

#### **Artículo 43**

Nochi ten kijtok ni Deklarasion, amo nochi kiamataltokej ininderechos de san maseualtsitsin, ni ten kijtoa eli san se pilkentsin, pampa san maseualtsitsin kipiyaj miyak derechos kati eltok kintepanitalisej.

#### **Artículo 44**


Nochi ten kijtoa ni Deklarasion, de ni derechos para san maseualtsitsin, eli para siuamej uan takamej.

#### **Artículo 45**

Ten nikan eltok ipan ni Deklarasion amo kijtosneki ke nopa derechos kati san maseualtsitsin kipiyaj, amo kipyia ipati, nojkia kijtoa ma kintepanitalikaj ininderechos kati teipan kinmakas tekichijket.

#### **Artículo 46**

1. Nochi ten ni Deklarasion kijtoa, amo akaj kipyia derechoj para kichiuas se tamanti ten kinsosolos san maseualtsitsin, pampa uajka kiixpanos ten kineki nopa Naciones Unidas, uan amo ma kijto ke ni Deklarasion kinmakatok



perimisoj para kichiuasej se tamanti kati amo eltok mochiuas, ipan se komunidad kanke kipiyaj initekichiuaujuaj.

2. Se tamanti kati mochiuas ten kijtoa ni Deklarasion, moneki kichiuasej ten kualli, moneki ma kitepanitakaj nochi ininderechos de san maseualtsitsin. Taj se tamanti amo eltok kichiuasej, nopa san maseualtsitsin moneki kinmakasej se tanauatilli (ley) para amo ma kichiuakaj. Uan keman amo kinkauasej nopa san maseualtsitsin ma kichiuakaj se tamanti, ne tanauatiyanij amo eltok kinejeliuisuisej nopa san maseualtsitsin o kinixpanosej.
3. Nochi ten kijtoa ni Deklarasion mochijki para ma kintepanitakaj san maseualtsitsin, ma kinmakakaj justisiaj, ma no mokalakikaj ipan politikaj kati kichiuaj tekichiuanij ne altepeko, para ma san se moitakaj kej maseualmej, ma amo kinixpanokaj.



**NOPA MINISTRA KATI ITOKAJ SOCORRO ROVIROSA, KATI  
MIXPANEXTIK IPAN NE ORGANIZACIÓN DE LAS NACIONES  
UNIDAS (ONU) KATI "KIREPRESENTAROJ" TOMEXKO  
TALLI, KATI ELTOK NE NUEVA YORK, NE ESTADOS UNIDOS,  
KEMAN KISELIJKEJ NI AMAT DECLARACIÓN SOBRE  
LOS DERECHOS DE LOS PUEBLOS INDÍGENAS IPAN NE  
ASAMBLEA GENERAL DE LA ONU.**

Toau Presidenta:

Tiknekijj timitsilisej ke nikan ipan Mexko moueyichiua ni amat kati mokajki kimanauis nochি derechos de san maseualtsitsin kipiyaj kati itstokej ipan komunidades.

Ne ueyi tekichijket kati itstok ipan Mexko talli, yolpaki pampa nikan ejeliuis itstokej miyak san maseualtsitsin. Yolpaki pampa aman kiiluichiusej ne independencia keman nopa san maseualtsitsin nel kinixpanoyaya j koyomej uan fieroj kinpixtojaj, tateuijkej uan miyak mijkej para ma kinkauakaj itstosej kualli, ni iluit kitokaxtisej *Bicentenario de la Independencia*. Ni tekichijket kati itoka kobierno de nochи ni Mexko talli, paki uan kinueyichiua ni san maseualtsitsin, pampa ininjuantin achtouj ajsikoj uan kitankej ni talli kati itokaj Mexko.


Ni Mexko talli takatki pampa nopa san maseualtsitsin tekitikej miyak uan kimanauikej nochи ten kipixtojaj entes ne achiya, kenamej kenijkatsa itstoyaj,

kenijkatsa mopajtiyayaj, kenijkatsa kineltokayayaj se tamanti keman momachtiyaj tiopan, kenijkatsa monauatiyayaj, yeka aman ipan ni Mexko talli tikpiyaj noch ni tamanti smante ipati, uan yeka kichiua ni Mexko talli iyojtsin amo onka seyok taltipakti kati kipiya ten Mexko kipiya.

Ni amat kati itoka Deklarasion, kiseliaj tekichiuanij kati itsokej Mexko uan kitemoaj ma motepanita kenamej kijjtoa ne Konstitusion de los Estados Unidos Mexicanos nikan Mexko uan sekijnok amat kati kichijchiuasej tekichiuanij uan kitemoaj san se tamanti.

Ipan ni Mexko talli nopa tekichiuanij kiani kiitaj ma eli ten ni Deklarasion kinautiya:

1. Kitemosej ma nopa san maseualtsitsin ininseli ma monauatikaj ipan ininkomunidades, pampa kiani kijjtoa ipan artículos 3, 4 uan 5 ipan nopa Deklarasion, mochiuas kej kijjtoa nopa konstitusion ma kuali ma mouikakaj tekichiuanij ininuaya san maseualtsitsin ipan noch ni Mexko talli.
2. Ten kijjtoa nopa artículos 26, 27 uan 28 ipan ni Deklarasion, kijjtoa ke nopa san maseualtsitsin kualtiyas kitekiuisej inintal kej ininjuantin kinekisej uan sekijnok tamanti kati kualtiyas para kitekiuisej keman mochantisej, moneki kitepanitasej ten kijjtoa tokonstitusion, uan sekijnok derechos kati kipiyaj sekijnok maseualmej. Uan ten kijjtoa nopa artículos 27 uan 28 ke keman kikualchijchiuasej se kualanti de talli moneki kitachilisej uan kichiuilisej kuentaj nopa ten kijjtoa tokonstitusion.

- 
3. Nochi ten kitemoa ni Deklarasion mopaleuijtok ika nopa konstitusion, pampa kintepanitaliaj derechos de san maseualtsitsin, nopa ininderechos Humanos, uan kineki ma kualli itstokaj san maseualtsitsin, nelkitsonkixtaj ma kualli itstokaj siuamej kati san maseualtsitsin, uan san se ma moitakaj siuamej uan takamej pampa kipiyaj san se ininderechoj.

Taskamati

Nueva York, ipan 13 de septiembre metsti de 2007 xiuit.





Familia lingüística Yutonahua  
Nahuatl (Mexicano de la Huasteca Hidalguense)  
Traductor. Lic. Eliazar Hernández Hernández  
Comunidad: Huextetitla, Orizatlán, Hidalgo

